

衢州文獻集成

〔史部〕

第
62
冊

衢州文獻集成

黃靈庚 諸葛慧艷

主編

〔史部〕

第
62
冊

國家圖書館出版社

(清)李瑞鍾等纂修

「光緒」常山縣志六十八卷
(卷六十四至六十八)

清光緒十二年(1886)刻本

第六二冊目錄

〔光緒〕常山縣志六十八卷（卷六十四至六十八）

（清）李瑞鍾等纂修
清光緒十二年（1886）刻本

.....

一

常山縣志卷六十四

知縣李瑞鍾修輯

節烈

婦人所天者夫也夫存則俱存夫亡則俱亡乃復身
遭離亂播越無常或捨生而赴水或自盡而投繯常
恐墮名節者貞志定也荒郊碧血風雨淒淒則泉壤
幽光安可沒耶志節烈

明

徐氏楊子善妻

觀音閣下人隆慶六年閏二月夜有盜

首入脅徐曰此汝夫也可疾從我否則與汝夫同死

氏度不免使妾好言款賊白至屋後投井死邑紳詹

思虞徐良棟等二十餘人操文刑

王 氏 徐 苦 郎 妻

名瓊奴字潤貞身歷多艱夫爲人害死

御史言諸朝下禮部旌其塚曰賢義

毛 氏 魯 從 昌 妻

大街人明末賊盜四起從昌集

江 氏 生 員 詹 天 涵 妻

涵病瘍氏來歸相敬如賓以少失

不嫻姆訓失愛於姑負慚多矣夫又不幸病廢若乘

其小異而有他志人其謂我何姑怒怠吾且歸視夫

王 氏 詹 啟 元 妻

後園人氏江山王鎮女啟元不知誰氏

而娶焉既歸始知之元又甚慈嘉靖年間家燬如金

又以訟故客死元攜姑依鎮鎮欲逐啟元氏泣曰世

間有義子無義夫始之不審吾命也義不可背逐啟

元吾必死鎮不聽終誘啟元出別嫁之氏知自縊死

趙氏鄭佑妾象湖夫人氏清寧人佑納之時為福建按察副使以考績過家病卒氏年十九殯之日

縊于柩側有司獎之

陳氏胡光泰妻

胡村人艾年夫亡孤妖守節謹事孀姑營葬夫畢遂自縊

張氏葉日行妻

朝京坊人避宏光采選過門未婚避兵分水縣舟泊半片山遇盜投河死

國朝

徐氏張秉薦妻

順治初馬士英擁眾南奔秉薦被掠氏脫簪珥往救兵見氏色麗心動欲逼之

氏大罵脅以刃即引頸受兵不忍殺率其袂即斷袂罵益厲兵怒三斫其尸而去月餘夫歸斂顏色如生

江氏毛應兆妻

球川人應兆任鎮江守脩氏在家順治四年四月白寇李能七等作亂應兆妾

楊氏被擄江氏力爭之賊欲污之不從至麻溪灘被害

王氏周正徵妻

所隴下人名富妹甲寅夏被掠欲犯之不從抱二歲子投井死

徐生妾

名俊姑子一甲寅亂被擄賊驅之清湖沿途罵

有後至者憐之令他婦抱起尸忽張

目睨視乃以土掩之訪徐生歸其子

王氏舉人徐光旭繼室

里擇人通志作妾悞氏呂化人

血雙目突出賊見而義之戒眾勿犯其家是年八月

光旭為黃巖教諭以拒逆命避山中不食死氏守節

楊氏姚紳妻

甲寅亂賊強掠登舟乘閒棄懷內幼

張氏江之崑妻

閩變之崑與次子世晟為賊所殺氏與

先母死毋取辱賊怒先

曹氏江之崑長媳

事見前

失名氏

閩變掠婦女數十人氏為江山賊所擄犯

題詩六首於壁存三首載藝文

汪氏生員江文元妻

年二十六夫亡乏嗣衣服表裏皆縫綴閉戶自縊嘉慶元年題旌

璩氏詹綸文妻

後園人年二十五夫亡無子痛失所天願從地下泣血椎心閱四十六日飲鴆

殞命嘉慶十年題旌仁和許乃濟作詩美之載藝文

徐氏生員詹在英妻

胡村人年二十二夫亡孤寡服闋之日沐浴更衣吞金死督學文公

獎以節完貞

歐陽氏鄭八仔妻

黃鶴坂人年二十夫亡殮畢沐浴更衣自縊

魏氏葉維梓妻

李家於人年十八夫患瘧三載氏事夫奉翁姑備歷艱辛無子夫歿殯葬畢托

言漸衣赴河自盡

陳氏葉肇倬妻

城北人年二十六夫亡遺孤甫週歲躬勤紡績艱苦六載子忽病死氏謂族人

日向未亡為此孤孤死我何望願以邁姑終養事相托遂絕粒而逝

金氏詹日燦妾

後園人甲寅閏變賊露刃逐燦氏挺身

獲免負傷攜子避居蘇州子病痘劇夫老憂憤不食

氏額天願以身代子

廖氏竟以染痘兼前傷卒子廣

江氏徐一福妻

蔣家園人夫亡守節閩變被擄欲犯之

樊氏詹期妻

後園人夫亡守節閩變被擄欲犯之

四十餘年卒

章氏生員徐敦彝妻

彝應試姑病危氏請天求代及歿

方襁褓一子在腹家貧有謀奪其志者氏刺右目自誓課子皆成名

鄭氏生員汪允中妻

宋坂人寬裕慈惠事舅姑克盡婦

血流幾斃尤節孝中之傑出者

詹氏徐明備妻

里擇人名三娘素有節概賊入城氏恐辱與女小荅俱投井死數日賊退鄰

人出之顏
色如生

王氏徐文瑛妻

名堂姑夫婦避兵村中瑛病卒氏哭泣

所逼以首觸刃
賊斷其喉而去

周氏徐文琦妻

里擇人甲寅閏歲賊掠之不為所污全節于亂離中尤人所難

王氏周廷泮妻

水巷人年十九夫亡子殤即嚴粧自殯乾隆十七年題旌

徐氏舒增妻

水巷人年二十二夫亡未期子復天蜜縫裏衣服適身死乾隆十九年題旌

張氏武生徐元齡繼室

里擇人年二十五夫亡閨十日吞金死嘉慶元年題旌

徐氏詹世忠妻

貌頭人年二十五夫亡氏誓不欲生因懷孕三月姑似勸慰強留殘喘及生子

三日殤氏顛碰殞命殉
子即以殉夫人以為烈

陳氏徐元禮妻 水港人二十九歲夫亡日夜痛哭誓不

年題

樊氏庠生胡進妻 崑字庄人二十四歲夫亡絕

李氏文士徐覺妻 民字庄人娶源李榮女歸賢三年值

卒誓以身殉家人密防不得死逾年投縊為姑覺救

之後翁病篤四子俱夭幼子尚襁褓氏哭泣籲天請

魯氏楊玉桂妻 列字庄人二十八歲夫亡家貧無子堅

殺卒年七十八歲

鄭氏江利良妻 垂字庄人二十四歲夫亡撫一女守

王氏徐大鈞妻 元字庄人二十七歲夫亡守節咸豐八

殉節卒年
五十四歲

徐氏從九詹如海妻地字庄人三十歲夫亡守節三十年同治元年遇賊殉難

封氏吳由順妻官字庄人二十九歲夫亡守節五十九歲時與媳張氏孫三人同避賊於煤洞

被賊
薰死

許氏王有妻官字庄人三十歲夫亡撫子守節咸豐八年四月間遇賊投水死

王氏葉樹琚妻洪字庄人二十八歲夫亡守節咸豐八年遇賊殉難時年六十二歲

許氏生員王開汭妻讓字庄人十九歲于歸二十一歲夫亡觸棺哭泣誓不欲生雖遺孤

在抱卒以痛喪所天旋病嘔血卒年二十二歲

沈氏魯位定妻宙字庄人二十二歲夫亡守節咸豐十一年在南鄉遇賊殉難

黃氏徐鳳赤妻元字庄人二十五歲夫亡守節五十四歲遇賊殉難

胡氏楊瑞忠妻

河字庄人二十一歲夫遇賊殉難氏未滿百日亦故

徐氏鄭令規妻

道字庄人三十四歲夫亡守節五十七歲時被賊焚死計守節二十三年

陳氏季光蟾妻

伐字庄人咸豐年間粵寇竄境光蟾被賊害氏奮身往救賊欲污之氏不屈以

首撞賊賊揮刀傷其頸氏卽仆越日氏復甦撫孤守節現年六十二歲夫亡

姜氏魯應建妻

元字庄人三十歲夫亡未滿百日投井而卒

徐氏許繼洋妻

黃字庄人二十三歲夫故絕食殉夫

楊氏周元鑣妻

天字庄人于歸一載夫亡守節撫姪成立遠粵匪竄常恐受污辱自經死

汪氏王君衡妻

官字庄人夫亡守節咸豐八年粵匪竄境因胞弟陣亡與弟婦徐氏投河殉難

汪氏王秉銓妻

李字庄人二十三歲夫亡守節咸豐間粵匪竄境氏投水死時年三十六歲

徐氏鍾魁占妻

列字庄人三十歲夫亡守節咸豐間遇賊殉難時年六十五歲

烈婦附

程氏江世慶妻

奈字庄人咸豐八年粵匪竄境氏家貧不能遠避同石村徐應麟妻陳氏避趙

公巖山頂賊至欲污之不從二氏同陷數日石隙中不能上下餓死至今白骨尚存氏夫亦同時被殺

陳氏徐應麟妻

奈字庄人咸豐八年同江世慶妻程氏避難趙公巖山頂陷石隙中餓死至今

白骨尚存

徐氏江樹彬妻

師字庄人咸豐八年夫彬被賊擄氏求賊放釋不允氏程負呱呱兒提攜幼女追

至雙溪口橋頭不及伏地大哭與兒女一全投水殉難

袁氏許繼潤妻

天字庄人咸豐十一年避難浮河遇賊不屈大罵投河自盡賊以矛刺背死

徐氏陳君聖妻

榮字庄人咸豐八年三月粵匪竄境賊擄不從賊刳腹倒懸殉難其死甚慘

程氏江天喜妻

文字庄人咸豐八年夫天喜被賊擄氏罵賊而死天喜得脫虎口其女年十二

歲隨母同日殉難

鄭氏徐啟新妻

元字庄人咸豐八年四月二十八日避粵匪於紫竹山埤逆逼不從自縊殉難

徐氏汪運乾妻

官字庄人汪國潮之媳年二十三歲咸豐戊午粵匪竄境其夫奮勇赴城殺賊

陣亡氏與夫姊王汪氏投河殉難

曾氏朱后生妻

官字庄人咸豐八年四月匪竄境氏逃避路遇賊被擄行經塘沿氏背女跳入

塘內溺死賊用矛刺傷數處

黃氏吳茂清妻

官字庄人咸豐八年四月間粵匪竄境氏避深山堅匿洞室中數日不出餓死

後家人尋獲衣帶嚙盡認明屍骸收歸埋葬

洪氏楊秀山妻

列字庄人咸豐十一年三月粵匪竄境氏年邁不及避見賊擄婦女怒罵獨賊

賊殺之邑侯徐詳請旌卹

某氏方善有妻

長字庄人咸豐八年賊至避於東鄉四月二十二日遇賊不屈殉難

陳氏鄭品三妻

垂字庄人咸豐辛酉年遇賊大罵被害

汪氏江崇璧妻

垂字庄人咸豐八年粵匪竄境恐被污辱投水殉難時年二十六歲

徐氏王雙福妻

垂字庄人咸豐八年粵匪竄境罵賊不屈被害

詹氏徐必添妻

往字生人咸豐八年遇賊殉難

徐氏詹乃穀妻

地字庄人咸豐八年五月初四日賊至恐遭污辱跳入門塘內殉節氏年四十

四歲匪退稟報有案

程氏江上春妻

文字庄人咸豐八年四月二十四日與女招弟全時殉難

黃氏徐必銀妻

元字庄人咸豐八年三月初九日賊至投河殉難

樊氏詹作彩妻

地字庄人咸豐年間殉難